

# Aretxagazeta

ARETXABALETA / Egubakoitza / 2005eko azaroaren 18a

402. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79-86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: SS378/94

## Eztabaida luzea sortu zuten mozio bik ohiko osoko bilkuran

MIRARI ALTUBE

Ohiko osoko bilkura egin zuen udalbatzarrak astelehenean, azaroak 14. Gai asko zituzten onartzeko, baina eztabaidarik luzeenak mozioek eragin zituzten: bata pobrezia gainerako eta bestea, kartzeletan gertatutako heriotzak, Jose Angel Altzugurenena tartean.

Osoko bilkura luzea egin zuten astelehenean, azaroak 14. Hamabi gaietatik bi mozioak izan ziren, eta horietatik sortu zituzten eztabaidarik luzeenak.

### POBREZIA EZTABAIDAGAI

Pobrezia gainerako mozioa Aralar alderdiak aurkeztu zuen. Estatuko gastu militarretan EA Eri dagokiona eta azken gerrateak finantzatzeko jarritako diru kopuruak aurkeztu zituen. Moxioak eskatzen zion Eusko Jaurlaritzari gastu militarra ordaintzeko erabiltzen duen dirua pobrezia ezabatze erabil dezala.

Gainerako alderdiak ez ziren alde azaldu. EAJko Jesus Mari Herrastiren esanetan, proposamen demagogikoa zen: "Pobrezia oso gai serioa da horrelako mozioek nahasteko", gaineratu zuen. PPko Silvia Camporrorén usteetan, oster, dirua beste arlo askotan alferrik galtzen da: Ertzaintza, euskarendako ematen diren dirulaguntzak... Eta horiek guztiak ez zituen aipatzen Aralarren mozioak. Bestalde, Arritxu Oliben alkateak bigarren proposamen bat aurkeztu zuen. Dirulaguntzak zela eman garrantzitsua



EAJko zinegotzi bat eta Ezker Batukoa izan ezik gainerako guztiak elkartu ziren.

dela aipatu zuen eta hiru irizpide sartzea proposatu. Moxioa ez zuten onartu eta Arritxuren proposamena aztertzekotan gertatu ziren.

### ESPETXEETAKO EGOERA

Bigarren mozioa espetxeetako egoeraren gainerako izan zen, eta EAJk eta Aralarrek adostuta eraman zuten. Azken hilabeteotan gertatutako heriotzak aipatu zituzten eta hainbat eskaera egin: heriotzen aurrean atsekabea agertu eta doluminak helarazi senideei; heriotzak argitzeko eskatu; heriotzak saihestea politikarien ardura dela gogorarazi; eta dispartzio politika bukatzeko eska-

tu. PSOE ez zen ados agertu hainbat punturekin; hala ere, onartu egin zuten, Aralarren eta EAJren aldeko botoekin.

### BAKE EPAILEA, IGOR BASTARDO

Beste era bateko gaiak ere landu zituen udalbatzarrak. Hurrengo lau urteetan bake epaile izango dena proposatu zioten Euskadiko Auzitegi Nagusiari: Igor Bastardo. Hura izan da azken lau urteotan ere bake epaile. Haren ordekoa Zorione Jausoro izatea proposatu zuten. Bestalde, 2006ko taxien tarifak onartu zituzten, eta Udalak Aozaratzan dituen 600 mila metro koadro errentan emateko baldintzak jarri zituzten.

## Aretxabaletako bi gizon esanguratsu hil dira astean

M.A.

Bernabe Makazagak astelehenean eta Aita Migel Lete marianistak martitzenean, biek esan digute agur. Nork ez zituen ezagutzen bata zein bestea: Bernabe aretxabaletar peto-pettoa zelako, edonori laguntzeko beti gertu; eta Aita Migel 22 urte egin zituelako irakasle Almen ikastetxean.

Han eta hemen ibiltzen zen Bernabe, honi eta hari lagundu guran: egunkaria jaso eta eraman bati, gurgildun aulkiarekin lagundu besteari, edo ospitalean gaixo zeuden aretxabaletarrak ikustera joan. Halakoxea zen Bernabe eta ARETXAGAZETAKO kazetariok ere sarri jotzen genuen harengana erretratu zaharren bat eskatuzera edo kontu zaharren gainera berba egiteko esatera. Hain zuzen GOITBk aurtengo denboraldian hasi berri duen elkarrizketa saioetan ere izan zen Berna-

be, eta *Motzean* saioa ikusi barik joan zaigu. Aretxabaletarrok, baina, laster izango dugu bere kontuekin gozatzeko aukera, hamar minutuz bakarrik bada ere.

### ERRETIRATU OSTEAN KOLONBIARA

Aita Migel Lete marianista Arkarazo auzoko Mendibitzu baserrian jaio zen. 22 urte egin zituen Almen ikastetxean irakasle lanean eta ibarreko neska-mutil askok ezagutzen zuten. Erretiratu ostean Kolonbiara bidaltzea eskatu zuen, eta han eman zituen azken 11 urteak; hil ere hantxe egin da. Orain dela 5 urte Mendibitzura etorri zenean osasun arazotxo batzuekin ibili zen baina oso argi zeukan Aita Migelek zerbait egiteko gauza zen, bitartean Kolonbian jarraituko zuela.

Senideek oraindik ez dute erabaki noiz egingo duten Aita Migelen omenezko meza; gainera, hain ezaguna izanik, Arkarazon egin beharrean Aretxabaletako parrokiaren egitea pentsatzen dabilza.

## LABUR

### Minbiziaren gainerako berbaldia egingo du Kattalin elkarteak egunean, azaroak 24

Bularreko minbizia lehenbailehen antzemateak daukan garrantziaren gainera egingo dute berba Kattalin elkarteak kideek. Emakume guztiendako zabalduko dituzte ateak, baina batez ere 50 eta 64 urte bitartekoei dago zuzendua berbaldia. Kattalin elkarteak bularreko eta ginekologiako minbiziak eragindako emakumeek osatutakoa da. Iralabarri plazako 13. atartearen dagoen kultur etxean egingo dute berbaldia, azaroaren 24an, 18:00etan.

## Kalitate goreneko estalketa elektrolitikoak

MIRVAT. Elkarte kooperatibo mugatua  
Aingeru Guarda pasealekua 41  
ESKORIATZA  
943 71 45 06 Faxa: 943 71 50 05  
www.mirvat.com



**FARMAZIEN TXANDA**

ZAPATUA, 19  
ITURRALDE, Belorrieta 1. . 943 79 27 22

DOMEKA, 20  
ITURRALDE, Belorrieta 1. . 943 79 27 22

**TELEFONOAK**

- OROKORRAK**
- Almen . . . . . 943 71 49 07
  - ARETXAGAZETA . . . . . 943 79 86 21
  - Faxa . . . . . 943 77 18 54
  - Basoboa . . . . . 943 77 09 81
  - Cuskallegia . . . . . 943 79 21 68
  - Gizarte laguntzaila . . . . . 943 71 18 62
  - Industrialdea . . . . . 943 79 62 80
  - Instituitua . . . . . 943 79 79 00
  - Kirri etxea . . . . . 943 71 26 28
  - Kultura etxea . . . . . 943 71 10 27
  - Gazteria saila . . . . . 943 71 10 27
  - Kurtzebarri Eskola . . . . . 943 79 00 49
  - Kurtzebarri BHI . . . . . 943 79 57 40
  - KZGunea . . . . . 934 79 94 44
  - Liburutegia . . . . . 943 71 18 62
  - Loramendi EE . . . . . 943 77 09 70
  - Ludoteka . . . . . 943 79 05 81
  - Mankomunitatea . . . . . 943 79 30 90
  - Murruko ME . . . . . 943 79 93 74
  - Musika Eskola . . . . . 943 79 36 50
  - Osasun etxea . . . . . 943 71 19 59
  - Otalora . . . . . 943 71 24 06
  - Parrokia (bulegoa) . . . . . 943 79 18 42
  - Pausoka Haur Eskola . . . . . 943 77 03 77
  - Postetxea . . . . . 943 79 28 31
  - Basabeazpi ikastola . . . . . 943 71 21 18
  - Taxi geltokia . . . . . 943 77 12 64
  - Udal Bulegoak . . . . . 943 71 18 62
  - Udaltzaingoa . . . . . 943 71 18 63
  - Urats Gain . . . . . 943 79 99 11

**UDALTAINGOA**

Arrasate . . . . . 943 79 14 39

**LARRIALDIAK**

- SOS Delak . . . . . 112
- Eskualde Ospitalea . . . . . 943 03 53 00
- Ertzaingoa . . . . . 943 79 71 99
- Gurutze Gorria . . . . . 943 76 55 76
- Larrialdiak . . . . . 943 46 11 11
- Suhiltzailak (Oñati) . . . . . 943 78 28 00

**MEZAK**

**ANDRA MARIAREN ZERURATZE PARROKIA**

Domeketan: 11:00, 12:00  
Zapatuetan: 19:30  
Hiletak: 19:00

**SANTA RITA**

Domeketan: 09:00  
Lanegunetan: 19:00

**BASERRI AUZOETAN: AOZARATZA**

Domeketan: 12:30.

**MENDIOLA**

Domeketan: 12:00 (Otoitzaldia bakarrik)

**GELLAO**

Domeketan: 11:30.

**Organoa gertu Santa Zezilia eguna ospatzeko domekan**

M.A.

**Santa Zezilia eguna ospatuko dute musikariek martitzenean, azaroak 22, baina Aretxabaleta Abesbatzak domekan egingo du ospakizuna. Bide batez, aurten 100 urte bete dituen eta konpondu berri duten organoa inauguratzeko eguna izango da. Herritar guztiak daude gonbidatuta meza nagusira.**

Ospakizun berezia dauka Aretxabaleta Abesbatzak domekan, Santa Zezilia eguna. 100 urte dituen organo guztiz berritua erabiliko du, gainera.

**MEZA NAGUSIA ABESTERA**  
Aretxabaleta Abesbatza 25. urteurrena ospatzen dabil aurten, eta domekako ospakizuna berezia izango da. Casimirren aintza eta

Gounod-en santusa abestuko dituzte abesbatzako kideek domekako meza nagusian, 12:00etan. Organo jolea, ostera, Xabier San Miguel izango da. Hain zuzen, irailetik hona konpontzen egon diren organo guztiz berritua joko du Xabierrek.

Abenduan beste bi kontzertu emango dituzte organoarekin: 16an, Mari Karmen Azpeitia organo jolea etorriko da, eta 30ean, Jose Luis Franzesena organo jolearekin batera abesbatzak abestuko du.

**MUSIKA ESKOLAKO OSPAKIZUNA**  
Leizarra Musika Eskolako musikariek ere ospatuko dute Santa Zezilia eguna. Hala, martitzenean, azaroak 22, musika eskolako irakasleek kalejira egingo dute herrian. 11:45ean udaletxetik abiatuko dira, 12:00etan Basabeazpi ikastolan izango dira eta 12:30ean Kurtzebarri eskolan.



ARTXIBOA

Musika eskolako irakasleek kalejira egingo dute martitzenean Santa Zeziliaren omenez.

**LABUR**

**Koldo Ameztoik ipuin kontaketa berezia eskainiko du egunean, udaletxe zaharrean**

Datorren egunean, azaroak 24, Koldo Ameztoi ipuin kontalaria etorriko da herrira Loramendi EEk gonbidatuta. Ipuin kontaketa berezia eskainiko du, 19:00etan, udaletxe zaharrean.

Bestalde, datorren abenduaren 18an, BECen egingo duten Bertsolari Txapelketa Nagusiko finalerako sarrerak dituzte salgai Loramendi EEn. Txapelketarako sarrera 25 euro da, bazkaria 18 euro eta autobusa 12 euro. Lehenbailehen pasatu Loramendi EEtik.



**Seigarren mailakoak Murtzia aldean**

Kurtzebarri eskolako hainbat ikasle bidaian izan dira egunotan. Espainiako autonomia erkidegoak ezagutzeko bidaiek egiten dituzte urtero, eta aurten Murtzia ezagutzera joan dira Lehen Hezkuntzako seigarren mailakoak. Kurtzebarriko ikasleekin batera Soriako eta Badajozko talde bana egon dira, eta irteerak, bisitak eta kirola eginez ederto pasatu dute. /M.A.

**Jauregi Okindegia**

Otalora 10  
Tel.: 943 79 57 47  
ARETXABALETA

**Iber**

- ★ Loteria ★
- ✿ Paper denda ✿
- \* Liburuak \*

Otalora 2.  
ARETXABALETA  
Tel.: 943 79 04 39

**Mobiliario ARENAZA**

- ALTZARIAK
- DISEINUA
- APAINKETA

Bizkaia 1 - Tel.: 943 79 08 07  
ARETXABALETA


**PIENSO SUNZUE S.A.**

**FELIX PAGALDAY**

Laborantza tresnak  
Ongarriak- Haziak

Mitarte 7 behea  
ARETXABALETA  
Tel.943 77 00 33/79 42 56

propaganda  
kartelak  
kartak  
jai egitarauak  
pegatinak  
liburuak  
etiketak  
txartelak  
errekordatorioak  
gonbidapenak  
errebistak  
inprimakiak



**EGUZKIGRAF**  
inprimategia

**1979urtetik zure zerbitzura**

Aretxabaletako Industrialdea F-0-4  
20550 Aretxabaleta  
Tfnoa: 943 791 844 - Faxa: 943 792 941  
E-mail: info@eguzkigraf.com

# Mendi irteera eta bazkaria eginda hasiko du Murrukixok Mendi Astea

M.A.

**Mendi Astea antolatu du Murrukixok Mendizale Elkartek azaroaren 27tik 30era bitartean. Mendi irteera eta babarrun jana eginda emango dio hasiera domekan, eta ondoren, ikus-entzunezko emanaldiak eskainiko ditu Kurtzebarri eskolan.**

Kalean dago Murrukixok Mendizale Elkartek antolatu duen Mendi Asteko egitaraua: mendi irteera, bazkaria eta emanaldiak aretxabaletarren eskutik.

## BABARRUN JANA, ONDO HASTEKO

"Egia da orain arte ez dugula egin izan mendi irteera eta bazkaririk Mendi Astean, baina aurtentzen halaxe hastea bururatu zaigu. Proba egingo dugu, ea zela ateratzen zaigun", dio Murrukixok MEko presidente Inaki San Migel. Azaroaren 27an izango da hori, domeka, baina babarrun janera joan gura dutenek aurrez eman beharko dute izena -azaroaren 22a baino lehen- Arlutz edo Urbaltz tabernetan.

Azaroaren 28tik 30era bitartean, bestalde, ikus-entzunezko emanaldiak eskainiko ditu Murrukixok Kurtzebarri eskolan, 19:00etan. Hiru emanaldien protagonista aretxabaletarrak izango dira eta eurak egongo dira zalantzak argitzen. Astelehenean, azaroak 28, *Gure Himalaya* aurkeztuko du Alberto Inurrategik; azaroaren 29an, *Laos bizikletan*



ARTXIBOA

Orain hiru urte egindako mendi irteeran baino lagun gehiago elkartuko dira hilaren 27an.

Oier Sarasuak; eta azaroaren 30ean, *Mendi eskia Txilen* Ramon Iturricastillok.

## ESAIT-EKIN BAT EGITEKO SINADURAK

Egunotan, bestalde, eskutitza bidali die Mendizale Elkartek bazkideei. Abenduaren 15ean batzar orokorra egingo duela jakinarazten die batetik, eta Esaiten eskariarekin bat eginez sinadura bilketa egingo duela adierazi bestetik.

Esaiten Euskal selekzioaren aldeko manifestua egin du. Bertan lau puntu aipatzen ditu: Euskal selekzioari ez egonda, kiro-

lariak derrigortuta daudela bereak sentitzen ez dituen koloreekin parte hartzeri; euskal selekzioaren ofizialtasuna aldarrikatu; Euskal Herriko federazio nazionalen beharra adierazi; eta guztien laguntza eskatu.

Esait koordinadorearekin bat eginez sinadura bilketa egingo du egunotan. Edozein kiroletan federatuta dauden bazkideei egiten die dei Murrukixok ME sinatzeri hurrera daitezten. Lokaletik pasa daitezke interesatuak edo bestela, Mendi Asteko ekitaldietan, azaroaren 28an, 29an eta 30ean jarriko duten mahaian sina dezakete.

## Hiruhaizpeko kobatik ateratako argazkia

Argazki lehiaketa bidez aukeratu du Murrukixok MEk datorren urteko egutegia. 18 argazki aurkeztu zituzten lehiaketara, eta guztiak benetan dotoreak ziren. Ez zuten lan samurra izan Murrukixoko kideek aukeratzeko orduan. Olatz Pagaldai aretxabaletarren Hiruhaizpeko kobatik ateratako argazkia izan da irabazlea, eta egutegiaz gain 125 euroko saria jaso du.

Aurkeztutako guztiei eskerrak eman gura dizkiete Murrukixoko kideek eta hurrengo urtean ere animatzeko eskatu.



## LABUR

### Fran Miguelek berdindu egin zuen Luis Olaizolarekin eta hirugarren jarraitzen du

Gipuzkoako Xake Txapelketaren bosgarren jardunaldia jokatu zuten joan zen zapatuan. Luis Olaizola izan zuen aurkari Fran Miguelek eta berdindu egin zuten. Hala, hirugarren postuan jarraitzen du beste lau jokalarirekin berdinduta; 3,5 puntu dituzte bostok. Jardunaldi bi baino ez zaizkie geratzen txapelketa bukatzeko eta lehenengo postua lortzeko aukera dagoeneko galdu du Franek.

Bestalde, Sestaoko Nazioarteko Irekia jokatu dute Arlutz Xake Taldeko lau jokalariek domekan, azaroak 20. Nahiz eta talde osoa joan banakako txapelketa izango da: "Urtarrilean liga hasiko dugu eta poliki-poliki martxa hartzen joateko oso ondo datozkigu halako txapelketak", dio Aitor Alcaide Arlutzeko kideak.

### Asteburuan bukatuko dute pilotariak lehen fasea eta oso larri dabilta hainbat bikote

Asteburu honetan bukatuko dute Gipuzkoako Txapelketako lehen fasea. Aretxabaletako bost bikote dabilta jokatzeko, hiru senior mailan eta bi kadete mailan, eta nahiko txapelketa txarra egin dute guztiek ere. Hala, joan zen asteburuan jokatuako partidu guztiak galdu egin zituzten.

Asteburu honetan partidu bakarra jokatu dute etxean, Errasti anaiek, hain zuzen. Bihar, zapatua, izango da, 12:00etan, eta Usurbilgo Huitzi eta Arruti izango dituzte aurrez aurre. Urbarren eta Perez de Labeaga Irunera joango dira jokatzera bihar, 16:00etan; Gardoki eta Akizu Beasainera joango dira domekan, 11:00etan, eta Lasagabaster eta Altzola Hernanira.

## PARTIDUAK

### FUTBOLA

#### UDA-Irun 1902

Preferentea.

Domeka. 16:30. Ibarra.

#### UDA/Arizm.-Segura

Lehen mailako gazteak.

Zapatua. 16:00. Ibarra.

### PILOTA

#### Aretxab. - Usurbil

Lehen mailako seniorrak.

Zapatua. 12:00. Iturrigorri.

## EMAITZAK

### FUTBOLA

#### Berio 2 UDA 2

Preferentea.

#### UDA 0 Antzuola 2

Bigarren mailako erregionala.

#### UDA/Arizm. 2 Zarautz 0

Ohorezko gazteak.

#### Oiartzun 2 UDA/Arizm. 0

Lehen mailako gazteak.

#### UDA/Arizm. 9 Urola 0

Lehen mailako kadeteak.

#### UDA/Arizm. 1 Eibartarrak 1

Bigarren mailako kadeteak.

### Kostkas 2 UDA/Arizm. 1

Ohorezko infantilak.

#### UDA/Arizm. 2 Urola 0

Infantil txikiak.

#### UDA/Arizm. 4 Bergara 0

Emakumezkoen liga (seniorrak).

#### UDA 2 Eibar 0

Alebinak.

#### Com y tienda IKL 1 UDA 7

Areto futbola.

# L. GONZALEZ

## PINTURAK

### Pintura orokorra eta enpapelatua

Araba ibilbidea 24, 3-D

ARETXABALETA

686 113 581 / 943 79 65 46



Zenbaki

- Kontabilitatea
- Fiskalitatea
- Lana
- Juridikoa

## Aholkularitza

Basabe poligonoa F-O-10 (1. solairua) ARETXABALETA  
Tel.: 943 71 21 12 - Faxa: 943 71 22 68



## MAPFRE

Aseguroak

Errekabarren 3  
Aretxabaleta  
Tel.: 943 77 11 76

## IRIARTE

Umeen  
denda

Helduen  
lentzeria



Durana 8  
Tel.: 943 79 10 96  
ARETXABALETA




ANDRA  
MARI

Aholkularitza

- Fiskala
- Kontablea
- Juridiko/laborala

Andra Mari Auzunea 3  
ARETXABALETA  
Tel. 943 79 29 26

**ATREBENTZIAEZPADA/ Ze pentsetan jatzu gidatzeko baimena atara barrixei gabez ez ixtie gidatzen?**



**ALBERTO TIJERO**  
Langillie



**AMAIA MERINO**  
Langillie



**IBAN FERNANDEZ**  
Langillie



**NAGORE RICO**  
Langillie



**DABID AGIRRE**  
Langillie



**ARANTXA IZURA**  
Langillie

Ez dot pentsetan istripuek gutxiketako balixoko dauen neurriok; gainera, txarto pentsetan jat gabez gidatzie debekatzie. Lehen edo gerueu gidatu bierko daue gabez be, ez?

Txarto, oso zorrotza pentsetan jat hori neurri hori hartzie, zorrotzegixe. Ez dot uste neurriekin gutxittu egingo dienik istripuek. Gaztie eta gaba badie arazue, autobusek bultzetu daixela.

Txarto, ez dot pentsetan istripuek gutxituko dittuenik horrek. Ez dot pentsetan gaba danik arazue, beste faktore batzuk dauz kontuen hartu biherrekuek; alkohola, esaterako.

Oso-oso txarto. Gabez lane- ra fan bihera eukiz gero, edo larrialdi bat izenez gero, zer? L-ie kendu eta ibilli egingo daue automobile. Istripuek gutxitu ez, baiñe tranpak egittie lortuko daue.

Istripuek ez diela gutxituko. Pentsetan dot murrizketak eta debekuek sortzen gabitzela denbora gutxixen eta edonun benetako arazuei irtenbidie topau barik.

Ez dakit ba... Istripuek gutxiketie dan gutxixe ondo pentsetan jat, baiñe ez dakit horrekin lortuko dauen. L-ie erueten dauenak, gainera, kontu haundixaez ibiltien diela pentsetan dot.

**TXALOAKETATXISTUAK**




**TXISTUAK PLAZAKO ZORUA OSO LABAIN** Kontu handiarekin ibili beharrean gaude Herriko Plazako arkupeetan, euria egiten duenean oso labain egoten da-eta zorua. Herriar bat jausi egin da azken egunotan, eta hainbat puntu eman dizkiote buruan. Zahartuta dago zorua eta bustiz gero oso samur labaintzen dira oinetakoak; hortaz, ume zein nagusi, kontuz arkupeetan ibiltzerakoan. / M.A.

**ORAINDELA 3URTEARETXABALETAN**

**Tabernak eta saltokiak euskaratzeko ekimena**

Herriko saltoki eta tabernetan euskaraz berba egitera bultzatzeko ekimena jarri zuten abian Loramendi Euskara Elkarteak eta Euskal Herrian Euskarazek. *Hemen lehenengo berbia euskeraz ein zeinke* leloa zuen loretxoa aurkeztu eta banatu zuten herriko saltoki eta tabernetan.



**ASTEKODATUA**

**600**

**MILA METRO KOADRO EMANGO DITU ERRENTAN UDALAK**

Bainuetxeko industrialdean hasi eta Urkuluko bidegorrira bitartean 600 mila metro koadro inguru ditu Udalak. Errentan emango ditu lurrok, eta eskaera egiteko baldintzak udaletxean daude.

**BESTEKEESANA**

**“ Hamaika urte daramatzat Arrasate Eskubaloi Taldeko presidente moduan eta, egia esan,**

**privilegio bat da niretzat talde honetako presidente izatea. Beste talde batzuetako presidenteei askotan entzuten diet kokoteraino daudela, baina ni oso gustura nago. Gainera, nire ingurukoek jarraitzeko esaten didatela ikusirik, ilusio handiagoz jarraitzen dut hemen.**

**Klubari oso etorkizun ona ikusten diot. Oinarria badago eta sendotu egin behar dugu oinarri hori. Hemendik bi urtera egin nahi dugun proiektua ez dago lehen taldean islatuta eta behetik hasi nahi dugu proiektu berri bat egiten, Arrasateko Eskubaloi Taldea gutziz berritzeko.**

**MARIANO ARRIETA**  
‘Astelheheneko Goienkaria’/05-11-14

**HERRITARRENBERBAK/ Aitor Agiriano**



*Pariseko plazatik*

**P**ariseko plazatik dator notizia talde bat izan dela jenioz bizia. Kantatutzeroa noa bistan ikusia, kontsolatzeko triste dagoen guzia. Xenpelar bizi balitz hamasei bertso baino gehiago beharko zituzkeen Frantzia aldean gertatzen ari dena kontatze-ko. Frantzia parteko herrialde ugari gorrotoz kiskaltzen ditugu. Antza denez atzerritarren omen dira bazter nahasleak. Komunikabide gehientsuenek hala diote behinik behin. Istiluak bi gazte haien heriotzaren ondotik etorri badira ere denok dakigu arrazakeria eta bazterketaren zorraz direla gertaerok. Eta ez bakarrik Frantzia, Europako beste edozein herrialde izan zitekeen istiluen epizentro. Izan ere, Bob Marley abeslariak zioen bezala, larruaren kolorea begiena baino garrantzitsuagoa den bitartean borrokek jarraitu egingo dute. XXI.mendeak ez

ditu gurasoen ohiturak galdu; lehengo lepotik darama burua. Talde eskuindarrak ugaritzen diharduten heinean xenofobia eta arrazakeria lasai asko indartzen ari dira. Herrialde aurreratuek geroz eta itxiago dituzte mugak eta sarbideetako zaintza areagotuz etorkinei oztopoak jartzea dute helburu. Etorkinen artean hala ere diru gehixeago dutenek bidea zabalxeago izan ohi dutela ematen du. Bitxia ezta?... Diruarekin ari garenean denok garaile erlijio berekoak!

**“Taldea eskuindarrak ugaritzen diharduten heinean xenofobia eta arrazakeria lasai asko indartzen ari dira”**

Batzuentzat haserretzekoa, besteentzat beldurtzekoa; nola nahi ere arduratzekoa behintzat bada gero eta atzerritar gehiago gure artean ikustea. Egia esan, ez da jakiten zein asmorekin datozen baina errezelozko begiradak trukatzeta nahikoa da askoren susmo txarrak pizteko. Ulertzekoa den bezala bizimodu hobe baten bila datozela dirudi, nahiz eta ametsa amesgaizto bihurtzen zaien askori.

**Aretxagazeta**

Durana 11  
20550 ARETXABALETAN  
Tel.: 943 79 86 21  
Faxa: 943 77 18 54  
Posta-e: aretxagazeta@goiena.com

**ZUZENDARIA**  
Mirari Altube  
**ERREDAKZIOA**  
Mirari Altube  
**MAKETAZIOA**  
Kepa Martelo

**PUBLIZITATEA**  
Ziortza Martin  
**ZUZENTZAILEA**  
Sergio Azkarate

**LEGE-GORDAILUA**  
SS-378-94  
**ISSN**  
1134-2609  
**TIRADA**  
3.800 ale

ARETXAGAZETA / ZE BARRI? • Edizio honek erakunde hauen laguntza izan du:



Eusko Jaureritzako Kultura Saila

Gipuzkoako Foru Aldundia

Aretxabaletako Udala

Eskoriatzako Udala

Leintz Gatzagako Udala